

rechte yne hette daz sal sy ym wider reichen vnd gebin vff daz, das alle oblinge schribene stücke dester kressstlicher gehaldin sollin werden, So setze wir darvff wer iß daz der obgenante pfarr eyner sewmig adir brochig wurde vnd solche richtunge vnd außsprache nicht haldin wurde, so sal er vns eyn fuder birß vorfallen seyn, die helffte keyn zschillan, dy andir helffte keyn rochliß dem schoffer. Ob iß queme daz denne der obingeschriben wyber eyne sewmig adir bruchig, dy sulche außrichtunge nicht hilde, dy sal eyn halp fuder birs an heuptman vff daz sloss rochliß vorfallen seyn. Bey dißem auß vnd tendigung sint gewest vnd geczuge dy erbarn hern meister Johann swß, Er niklauß rejuß, altaristen zcu Rochliß vnd gestrengen hanß von stockhausen der elder, heinrich Koch, burgermeister zcu rochliß, henrich breseniß mitteburger daselbigen vnde andir ore leuthe vnd bedirbar leuthe genug, dez zcu eyne waren Geb the habe Ich mergnant Johann probist 2c. 2c. meyn probistie Sigel vndin an dissem briff mit wissenn beiderteil gehangen, des ich vrbanus mongk vff dißmal mit ym gebrauche, der gegeben ist, nach gotis gebort tausent vierhundert darnach yn dem drey vnde vierzigistenn Jar, am dinstage nach andree dez heiligen czwelff boten.

No. 4.

Ich Matthias Boyt, Amptmann zcu Rochliß bekennen offentlichen in disem Offen briue vor iedermeniglichen die en sehen adir lesen horen, das vor mich komen ist, der Ersame Caspar tuttenhain zcu Gytan vnd hat mir zcu erkennen gegeben, wie er ymb synner nottdurfft willen den Ersamen vnd wiesen Burgermeister, Radtmannen vnd der ganzen gemein zcu Gytan synen frihen hoff in der Stadt Gytan gelegen, von myn gnedigen heren vnd mir von Irer gnaden wegen zcu lehen rürhende recht vnd redlichen verkaufft habe, Solchen hoff der genante Caspar tuttenhain vor mir uffgelassen vnd mich als ein Amptman gebeten hat, den obgenanten Burgermeister, Radtmannen v. der ganzen gemeyn zcu Gytan zcu leihen, Also habe ich angesehen syne vnd des rats vllisige bethe v. mannigfeldige dinst, so sie myn gnedigen hern offtmals getan habin, hinfurder thun sollen vnd mogen v. habe den mehr gnanten Burgermeister, Radtmannen vnd der ganzen gemeyne den mehr gnanten frihen hoff in der Stadt zcu Gytan gelegen, gelehent, reiche vnd leihe den villbenanten Burgermeister, Radtmannen vnd der ganzen gemeine den oft genanten frihen hoff in der Stadt Gytan gelegen, mit solcher alder friheit gewonheit vnd reinen alz der vor alders gewest vnd gelegen ist kegenwertiglichen in krafft vnd macht diß brius, mit beheltniß der lehn so sich die verfallen den volge zcu thun, des zcu waren bekentniße habe ich obgenanter Matthias Boyt myn Sigill vom Amptß wegen vnden an disen briv thun hengen, der geben ist ane Dornstage nach den Sontage letare nach Cristi vnsers libsten Herrn geburtz Tusent vierhundert und darnach im Nün vnd sechzigisten Jare.

(L. S.)

No. 5.